

皇清經解續編卷五百六十八

南菁書院

春秋左傳異文釋八

嘉興李富孫薊沚著

昭元年經會晉趙武楚公子圍齊國弱宋向戌衛齊惡陳公子

招蔡公孫歸生鄭罕虎許人曹人于虢公羊作齊國酌

十一年經

齊國弱公

羊作國酌衛石惡鄭軒虎

四年傳渾罕韓子外儲說左作渾軒十一年經鄭罕虎定十五年經

鄭罕達哀二年經鄭罕達公羊竝作軒

于渚釋文軒依字許言反舊音罕渚音

郭又音號疏云國酌亦有作國弱者

十一年疏齊國酌者穀賈氏作酌字與此同

梁作郭羣經音辨引作會鄭軒虎于渚案弱酌音相近公羊

作酌亦字隨聲異曲禮注生者不相辟名衛侯名惡大夫有

石惡疏云魯襄廿八年衛石惡出奔晉廿九年衛侯衎卒衛

侯惡乃卽位與石惡不相干熊氏云石字誤當云大夫有名

惡知者昭七年衛侯惡卒穀梁傳曰昭元年有衛齊惡今衛侯惡何謂君臣同名也君子不奪人親所名也是衛齊惡不得爲石惡也則公羊爲石惡當爲相傳之誤軒罕亦音相近古讀通

梁氏曰軒有呼罕切與罕通用

戰國秦策注郭古文言號也是郭與

號古字通公羊作渚亦同音通假趙氏坦曰襄廿八年經衛石惡出奔晉左氏傳云衛人討甯氏之黨故石惡出奔晉衛人立其從子圃以守石氏之祀是衛不復有石惡矣且公羊音義不著其異當爲後人傳寫之譌

晉荀吳帥師敗狄於大鹵公穀作大原公羊傳曰此大鹵也曷爲謂之大原地物從中國邑人名從主人案左傳作大原杜注卽大鹵也是從狄人稱大鹵從中國稱爲大原也趙氏坦

曰左氏經作大鹵从古史文左傳及公穀俱作大原从中國稱義既不同故字互異

莒展與出奔吳釋文無與字云一本作莒展與公穀作莒展案

左氏作莒展與

襄卅一年傳作展與

傳云莒展之不立棄人也夫公穀

無與字當亦省文後世於前人姓名或消去一字三傳已有

此例

楚子麋卒公穀作楚子卷公羊疏云左氏作麋二小傳本亦有

作麋字者楚世家作員索隱引傳作麋

下傳賦野有死麋之卒章釋文麋作麋五

年傳求諸侯而麋至文選顏延之釋奠作注引作麋

案玉藻龍卷以祭注字或作衣釋

文卷音衮明堂位注自衮冕而下釋文作卷云本又作衮喪

大記君以卷釋文同是卷有衮音左哀

八年傳釋文麋竝丘

隕反則與袞音亦相近廣韻員又音運麋員聲之轉說文麋
籀文作麋玉篇麋同麋文選蕪城賦注麋與麋音義同此別
體字錢氏曰卷麋聲相近

傳是麋是蓑文選勵志詩蓑蓑致功注引作蓑唐石經作蓑說
文禾部蓑引作袞類篇引同案說文云麋耕禾閒也蓑當爲
借字說文無蓑字五經文字同唐石經初刻作麋袞是依說
文本袞或从省

三大夫兆憂憂能無至乎漢五行志引作兆憂矣無下憂字案
依漢志則今本下憂字爲矣字之誤語意自合

商有妣邳古今人表外戚傳作嬖玉篇女部邳作姪案說文引
作妣云殷諸侯爲亂疑姓也玉篇嬖有嬖國古今人表有嬖

氏師古注藝與莘同姚藝亦同呂覽本味有佚氏高注佚讀
曰莘文選辨命論注引作有莘氏姚卽佚也姪滋益字

趙孟賦常棣御覽

七百六十一

引作棠棣案詩常棣之華漢杜鄴傳

作棠棣文選求通親親表注引同以棠棣爲常棣形聲之誤

見詩釋

吾與子弁冕端委釋文無冕字云本亦作弁冕端委漢五行志
引無端委二字案杜注云弁冕冠也列國卿大夫皆皮弁服
從君視朔及聘元冕助君祭若但就出使時之冠服言則無
冕字亦通正義有冕字大司徒職疏引同漢志無端委二字

省文

子盍亦遠績禹功釋文無禹字云本或作遠績禹功文選注

三國

名臣序贊
五等論

引作遠績禹功案釋文無禹字以上文三言禹故

此可不言禹杜注勸趙孟使纂禹功是訓績爲纂與績義同
正義云績亦功也重其言耳解似迂回不如續義爲勝穀梁
成五年傳伯尊其無績乎注績或作續字形相涉臧氏曰據
釋文禹爲衍文遠績功與大庇民相對釋詁績功也又績成
也此績字當訓成正義非是

老將知而耄及之者御覽

三百八十三

知引作至耄作耄大司徒職

疏引作將智案釋文知音智至或聲之誤杜注八十曰耄詩
車鄰傳八十曰耄形近義雜

旣而橐甲以見子南釋文云橐本或作衷案襄廿七年傳宋之
盟楚人衷甲杜注甲在衣中欲因會擊晉今子皙之意亦如

此攷工函人疏以衣衷著甲謂之橐則衷與橐文異而事同
及衝擊之以戈說文行部引作及衝以戈擊之案復古編云衝
从行童聲俗作衝非許氏所引下句文特倒耳義同

而蔡蔡叔釋文云上蔡字音素葛反說文作蔡音同云搥蔡散
之也正義云蔡爲放散之義故注訓爲放隸書改作已失本
體蔡字不可復識寫者全類蔡字至有重爲一蔡字重點以
讀之者

定四年傳而蔡蔡叔正義說文云蔡散之也从米殺聲今定本作蔡非也

後漢樊儵傳注

說文繫傳竝引作蔡袁紹傳注引作放案書竄三苗于三危

孟子大戴五帝德作殺三苗此卽說文蔡字之省亦爲放也

張氏文苑曰古竄字與蔡同音故同義杜解蔡爲放放卽竄也

五經文字云蔡春秋多借蔡

字爲之今唯李賢注尙不誤段氏曰蔡本謂散米引伸之凡

放散皆曰𦵏字譌作蔡耳

惠氏曰𦵏本與蔡通故又作蔡禹貢二百里蔡鄭注蔡之言殺滅殺

其賦滅殺者未滅也叔非首謀應从末滅之科故不殺而囚之如此則不必改字而義亦得矣小爾雅曰蔡法也

趙孟曰天乎唐石經作天乎淳化本岳本同案漢五行志引作天正義云國無道而歲又饑則君或早夭俗本作天形近之譌錢氏曰天與亡相對故云鮮不五稔也又曰謂國既不亡則君當天折也今本譌爲天

而年穀和熟漢五行志熟引作孰案說文云𦵏食飪也古但作孰熟俗字

趙孟視蔭釋文云蔭本亦作陰案釋名曰陰蔭也氣在內與蔭也詩桑柔箋陰覆也漢五行志師古注蔭讀與陰同

主民翫歲而愒日晉語作忼日而湫歲說文心部引作忼歲而

漱日云忼貪也漱欲飲也

習部引與今本同云翫習厭也釋文云翫字又作

玩漢五行志引作玩案釋言曰忼忼渴貪也杜注翫渴皆貪也是忼翫渴漱音義皆同說文心部所引本外傳文而小異韋昭注忼偷也漱遲也較貪義爲勝易所樂而玩者釋文鄭作翫文選陸機答賈長淵注玩與翫古字通欲飲與貪義略同段氏曰翫與忼音同義近渴國語作漱爾雅渴卽漱之假借

私盟於閨門之外初學記

廿一引作閨門案杜注云閨門鄭城門

釋宮曰宮中之門謂之闔其小者謂之閨字異而義通顧氏祖禹曰閨門鄭內宮北門

斬以狗說文彳部引司馬法作斬以徇案說文云徇行示也集

韻彖或作徇寧是徇爲正字

方震大叔釋文云震本又作娠鄭世家作娠

哀元年傳后緡方娠詩生民疏引作

震釋詁疏引同

案說文云娠女妊身動也震取動義後人又从女苟

孟康曰娠音身漢史身多作娠古今字也師古以邑姜方震自爲震動之意不作娠然義亦相通

有文在其手曰虞隱元年傳正義云石經古文虞作𠂔案漢一字石經隸體此與爲魯夫人引石經作𠂔當爲魏三體石經中古文字

臺駘論衡別通水經汾水注引作臺台案台駘同音亦从省

山川之神則水旱癘疫之災大祝職注此三句在日月星辰之神三句下疏云彼傳文癘疫之災此云不時者鄭君讀傳有

異也邕人注引日月在山川之前災作不時祭法注引同案
據鄭注日月星辰之神三句在山川之神上則今本有錯簡
邕人疏云鄭君所引與賈服傳不同彼無不時此有之者鄭
以義增之非傳文大祝注之災二字是後人據左傳妄改也
夕以修令御覽七百廿引作修念案杜注云念所施作念當爲注
文相涉之誤

二年傳宣子譽之孟子梁惠王下注作豫焉案服虔注云譽游
也宣子游其樹下夏諺曰一游一譽爲諸侯度今孟子作豫
二字音同文選王融曲水詩序注譽猶豫古字通

三年經滕子原卒公羊作滕子泉案說文云泉水原也麤水泉
本篆文作原泉原音近公羊作泉或卽原之省

傳少姜有寵而死唐石經作少齊消化本同案二年傳曰少姜有寵於晉侯晉侯謂之少齊正義云以其齊女故以齊爲別號所以寵異之則子大叔如晉送葬當如晉侯所稱作齊爲是

服虔少讀如字

錢氏曰今本齊作姜亦石本得之

早世隕命釋文隕作殞案玉篇云殞歿也此別體字

以備嬪嬙釋文作牆云本又作嬙

哀元年傳宿有妃嬙釋文嬙本又作牆或作牆唐石經初

刻作牆

案杜注云嬪嬙婦官玉篇同牆爲牆之隸體路史國名

紀牆牆也牆牆同聲通錢氏曰說文無嬙字當依石經爲牆陸德明云嬙本又作牆或作牆漢隸別旁字或變从广牆與牆實一字也

齊其爲陳氏矣齊世家作田氏

哀六年經陳乞齊魯田完世家並作出乞十四年經陳恆墨子

非儒公羊作田常古今人表作田恆韓子外儲右作田陳恆
傳陳成子陳闚等齊世家竝作田田完世家左傳陳字皆同
案田完世家云敬仲如齊以陳氏爲田氏索隱曰以陳田二
字聲相近遂爲田氏應劭注始食采地由是改姓田氏是據
後代所稱而改

四升爲豆後漢郎顗傳注引作四斗

下釜十則鍾作四釜爲鍾

案斗升爲形

近之譌四釜爲鍾亦記憶之誤劉氏攷嘗正之

其相胡公大姬正義云定本相作祖案杜注云言陳氏雖爲人
臣然將有國其先祖鬼神已與胡公共在齊是杜本作祖故
定本从之沈氏彤曰胡公爲始封陳之祖箕伯與胡公六人
傳只平數之則相乃祖字之誤

讒鼎之銘正義服虔云讒鼎疾讒之鼎明堂位所云崇鼎案韓

子說林曰宋人求饒鼎魯人曰真也齊人曰贗也呂覽審已
齊攻魯求岑鼎新序節士同讒饒崇岑皆音相近王氏應麟
曰讒岑二字音相近讒鼎魯鼎也明堂位魯有崇鼎服注不
爲無據

其利溥哉後漢

第鍾宗
寒傳論

引作博哉注同文選王文憲集序注引

同案說文云博大通也溥大也二字義略同溥博亦聲之轉
余髮如此種種釋文云種本亦作董董羣經音辨引同案杜注
云種種短也董種聲之轉此形言其髮之短亦無定字

下以田江南之夢文選羽獵賦注引作雲夢元和郡縣志引同
案杜注云楚之雲夢跨江南北宣四年傳言夢中昭四年傳
言雲中則雲夢實兼二澤言之禹貢爾雅雲夢竝舉故一本

或有雲字

四年經春王正月大雨雹公穀作大雨雪公羊疏云正本皆作
雹字左氏經亦作雹故賈氏云穀梁作大雨雪今若此有作
雪字誤也范甯解雪或爲雹疏云左氏爲雹故范疑之云或
爲雹也案此當从左氏傳作雹申豐所對甚詳雪與雹以字
形相涉而譌莫氏口曰大雨雹記災異也若十一月雨雪又
何足異

遂滅賴公穀作滅厲公羊釋文厲如字又音賴疏云有作賴字
者案左桓十三年傳楚子使賴人追之注賴國在義陽隨縣
僖十五年齊師曹師伐厲注厲楚與國義陽隨縣北有厲鄉
是厲卽賴也漢地理志厲鄉故厲國也師古注厲讀曰賴水

經濇水注濇水北出大義山南至厲鄉西亦云賴鄉故賴國也論語則以爲厲已也釋文厲鄭讀爲賴恃賴也厲賴音相近又讀通顧氏棟高曰厲炎帝後姜姓國卽賴

路史國名紀

今河

南商城縣南有賴亭蓋古厲賴同音故有此誤

傳三塗水經伊水注引作三龠

一仍作塗十七年傳與三塗水經伊水注引作三龠哀七年傳

禹合諸侯於塗山水經淮水注引作龠山

案杜注云三塗在河南陸渾縣南則以

爲一山不从服注三道之說說文龠引虞書龠山塗龠同音

中南新序善謀引作終南案水經渭水注云地理志太一山古

文以爲終南杜預以爲中南西京賦終南太一則非一山潘

岳關中記終南山一名中南言在天之中居都之南也中終

音近字通

以亨神人新序善謀引作以享文選魯靈光殿賦李善注引同
案杜注云亨通也如字讀說文高篆作𠂔隸變作亨古亨通
享獻之字同易公用亨于天子釋文眾家竝香兩反劉向引
此作享義長王氏引之曰當從新序讀爲享古字亨亨通杜
氏以人不可言享亦得因神而并稱之襄廿七年傳能歆神
人義正同

義同

固陰沍寒文選西都賦作涸陰沍寒注引同釋文沍作沍案漢
郊祀志秋涸凍師古注涸讀與沍同沍塞也是涸與固通玉
篇沍閉塞也沍寒也杜注沍閉也則當从水